

龍游縣志
第一冊

序

昔章實齋以曠代史才不獲藉手述作國史乃出其緒餘以理
方志方志託體之尊自章氏始也章氏論方志善矣其所譏纂
自和毫永清諸州縣志以迄湖北省志皆卓然自成一家言且
所業與年俱進雖然尙有未能盡慊人意者專注重作史別裁
而於史料之蒐輯用力較鈔一也嫉視當時考證之學務與戴
東原立異坐是關於沿革事項率多疏略二也其所自創之義
例雖秦牛精思獨闢然亦間有爲舊史觀念所束縛或時諱所
牽掣不能自貫澈其主張者三也夫以章氏於斯學爲大輅椎
輪勢固未能立造極詣且以羈棲幕府之身所敘述者非所夙

習憑官力以採資料既常不獲如意而咻而吠之者復日集其
旁則所就者不能如所期亦宜然耳獨怪章氏噉音堵口弘闡
斯學於今既百有餘年後之作者匪直不聞有所光大損益並
踵其成規深知其意者且不一睹焉士之識鋼而志倫不能有
所負荷也非一日矣吾友龍游余越園恥之雖任國立法政大
學教授校課繁忙猶屹屹述作以四年之功成其縣志四十二
卷爲紀者一曰通紀得卷凡一爲考者五曰地理曰氏族曰建
置曰食貨曰藝文得卷凡六爲表者三曰都圖曰職官曰選舉
得卷凡八爲傳者二曰人物曰列女得卷凡四爲略者三曰宦
績曰節婦曰烈女得卷凡二有半爲別錄者二曰人物曰列女

得卷凡一有半右二十三卷是爲正志叢載一卷掌故八卷文
徵八卷是爲附志都四十卷卷首曰叙例則自述其治斯學所
心得泐爲一家言以詔來許是爲前錄卷末曰前志源流及脩
志始末則馬班序傳之遺悒也是爲後錄越園之治學也實事
求是無徵不信純采科學家最嚴正之態度剖析力極敏組織
力極強故能駕馭其所得之正確資料若金在爐惟所鑄焉其
爲文也選辭爾雅而不詭澀述事綿密而不枝蔓陳義廉勁而
不噉殺凡此善讀越園書者當能自得之無取吾喋喋也吾所
欲言者越園此書在方志學中其地位何如越園之學得諸章
實齋者獨多固也然以此書與實齋諸志較其史識與史才突

過之者蓋不尠掌故文徵兩部分實齋特剋越園因之然實齋之永清志掌故部分題曰政書雜廁書中案其倫脊其湖北志則與正志並列爲三書未免躋附庸於宗國越園別爲附志以隸於正志主從秩然其長一也實齋著書義例皆散見各篇叙傳中徵引駁詰動輒萬言其爲後學開拓心胸增益神智者功誠不在禹下雖然此乃述學非作史也故和毫諸志之文可移諸永清永清之文可移諸湖北特據者譏其蕪累又何以自解由此言之謂實齋爲傑出之史學批評家則可謂所著述遂爲良史蓋未可越園述學之旨具見叙例其正志則以胸中繩墨自檢束而不雜置繩墨於壁牖間以汨其構造之美寓文理密

察於潔淨精微中其長二也實齋以鄙薄考證之故所作諸志
惟憑固有資料用自己獨創之史裁加以新組織其資料有闕
漏者罕予蒐補越閩之書如氏族考調集數百家譜牒經極詳
慎之去取別擇而得其經緯脈絡其清代職官表康熙後既無
所憑借乃蒐斷片於文集筆記詩歌質劑或祠壁井闌中天吳
紫鳳縷錯織文常人所不注意者字字皆歐心血鑄成其餘他
篇類此者尙夥徵引之書不下四五百種實爲蒐集史料辨證
史料之最好模範其長三也實齋諸志皆有前志列傳譚所以
辨祖述之淵源用意良美乃其永清志於舊志之文刪削殆盡
間采數十條則以爲駁斥之資而已夫舊志秦半蕪穢見蔑固

宜然一切拉雜摧燒則新著又安所據越園以平恕之心衡量前人既不盲從亦不輕慢舊志舛者訂之可存者采之一經甄治轉成瑣琳其長四實齋知紀傳相經緯之義且極言宜采其意以用諸方志乃其所作諸志除鄂志之皇朝編年紀已佚外餘則僅有皇言恩澤等紀純屬部分的官樣文章不足爲全書綱領條貫則作紀之志荒矣越園通紀之作綜一縣二千年間大事若挈裘振領爲考表傳略之尺度俾得所麗其長五也實齋知族屬譜牒之要乃其永清志士族表專取科第之家所載繁而不殺一般民庶概付闕如其和志之氏族鄂志之族望等表今已散佚計體例亦正相類蓋爲唐書宰相世系表之成

法所束縛不克自廣越園之氏族考根據私譜熟察其移徙變遷消長之跡而推求其影響於文化之優劣人才之盛衰風俗之良窳生計之榮悴者何如其義例爲千古創體前無所承其功用則扶社會學之必興於世運之升降隆污直探本原其長六也舊志載文猥蕪特甚實齋以正史藝文經籍志例細之釐正其名實厥議偉矣其所著關於此門者鄂志已佚永清志缺焉獨於和州志見其梗概其大蔽則在執向歆錄略之舊以強駁後世著作之分類斷斷於校讐義法而於作者年代本書內容反罕措意焉越園之藝文考略仿朱氏經義考例詳錄其序例解題或自作提要間加考證令讀者得審原書價值以年代

爲次一展卷而可見文學盛衰之大凡其長七也實齋之鄂志
食貨考今所存者僅一篇誠不愧爲一代傑作惜全豹未睹焉
若其永清志則此等極重要之民生事項悉以入政書之戶科
與其他官書之陳腐條文相雜蕪累實甚越園茲考以戶口田
賦水利倉儲物產及物價爲次什九皆憑實地采訪加以疏證
其必須參考官書格式者則入諸附志之掌故以期體裁峻潔
讀者不迷其長八也實齋之重表也至矣顧其所作諸志於地
理部分有圖有考而無表越園創立都圖表道里遠近居民疏
密旁行斜上一目瞭然兼以與氏族考互證其長九也名宦與
人物異撰宜專紀宦績實齋言之備矣然宦績揚善隱惡猶沿

舊志成見越園采康對山武功志之意美惡並書非但以存直道亦將以儆官邪俾圖治者得所鑑焉其長十也越園書既成使啓超爲之序啓超爲校課所煎迫日不暇給僅得略事繙讀殊不足以窺其美富願吾常以爲實齋以前無方志故舉凡舊志皆不足與越園書較以越園書較實齋書其所進則既若是矣無實齋則不能有越園吾信之越園宜亦伏焉然有實齋不可無越園吾信之實齋有知當亦頷首於地下也夫方志之學非小道也吾儕誠欲自善其羣以立於大地則吾羣夙昔遺傳之質性何若現在所演進之實況何若環境所熏習所毆引之方嚮何若非纖悉周備真知灼見無以施對治焉舍歷史而言

治理其言雖辯無當也中國之大各區域遺傳實况環境之相差別蓋甚曠必先從事於部分的精密研索然後可以觀其全不此之務漫然撫拾一姓興亡之跡或一都市偶發之變態而曰吾既學史矣吾已知今之中國作何狀此又與於不知之甚也有良方志然後有良史有良史然後開物成務之業有所憑藉故夫方志者非直一州一邑文獻之寄而已民之榮瘁國之污隆於茲繫焉今者士之偷日以甚飽食終日無所用心與夫好行小慧言不及義之流既不足責上焉者裨販異域學說不問其與國情相去若何道里貿然欲見諸施行或則墨守古訓不恤時俗變遷以責無實之效操術雖異其爲游談則一而已

誠能一縣中有如越園者一人孳孳爲其縣勸一信史以待國之良史受成焉以爲言治理者之資國其庶有考也夫越園之史才固非可以責望於人人雖然其書成規具在焉創者難爲功因者易爲力但能如越園之勤求與其徵實雖無其才亦安在不能爲其書也嗚呼其毋使龍游縣志爲我國方志學中獨傳之作也

民國十四年十一月十八日梁啓超序於清華學校北院賃廬

龍游縣志卷首

縣人 余紹宋

前錄

叙例

總例 修志有兩法一爲別出新裁全部改撰一爲因仍前志但纂續編兩法相衡前者難於後者多矣昔先曾大父鏡波公議修時主用後法謂如昔日有見聞未及采訪未周儘可俟續纂集中補載而原志應概仍其舊見重刊序其後馮夢香先生主修時則是議惟增學校兵防兩門見卷末篇而是編捨易就難改用前法非不遵祖訓也曾大父亦不以前志爲完善故有補載之言特以春秋高光緒八年曾大父年已七十有五亟欲觀成不得不主後法耳今日紹宋承修固不必拘守一時權宜之計也

前志爲先賢著述原當尊重惟著述各有體裁無取因襲與其強事續貂不如各

自爲書以待後人公論曰萬歷壬子志成於倉卒康熙志則非一手譌成均爲未竟其中舛誤遺漏之處不一而足若用後法則於其舛誤者不得不爲辨正之文於其遺漏者不得不爲補遺之輯而爲此兩編其文必倍於原志非第舉揚前人之短而篇章雜出省覽亦復不便況事有不能納入前志各類者又須增加門類不益糺亂而無章耶是以決用前法也

茲編體例意在規仿史裁因分正志附志正志爲志之本文務求峻潔以符史例附志爲志之附錄不妨廣收以免遺漏期於相輔而行不使偏廢

正志略擬正史凡分四類一曰紀爲篇一曰通紀二曰考不仿正史稱志者既爲各縣志不能更稱也爲

篇五曰地理考曰氏族考曰建置考曰食貨考曰藝文考三曰表爲篇三曰都圖表曰職官表曰選舉表四曰傳爲篇二曰人物傳曰列女傳諸篇綱目及所附屬後當詳之

古蹟寺觀雖無關弘愔然足以資觀感警貪頑不可刪也因別爲叢載其前人軼

事足資佐證及怪異足資談助者亦入之是爲附志之一冊籍公牘有關一縣掌故必不可刪而散載正志又嫌蕪雜因別爲掌故是爲附志之二詩文散注各類之中乃方志陋習

萬歷壬子志詩文列入
嘉文康志改之非是

因別爲文徵是爲附志之三

萬歷壬子志卷首有八景圖康熙志增至十二景無非秋月春風朝霞夕照任意牽附觸類可名一縣之大卽增至百景亦非難事試思有何益處此皆昔日圖經舊套亟宜刪去以正史裁

兩舊志每類之前必作小引蓋沿方志通例半屬空套移之他縣亦可用者於義無取茲一律刪削亦不更作其康熙志篇後論斷及篇中案語間有足資參考者擇要錄之

方志記載事實標明所引之書其例始於宋高似孫之剡錄明代方志無倣之者至清乾隆以還倣之者漸衆所謂無徵不信體至善也

編明出處本是讀書體裁然類書正爲著述之所取

實不得指爲
史裁之緊

茲編凡有紀載一律標明出處亦有集數書而纂輯者則以數書原

文不能貫串不得不彙輯耳彙輯者亦係明之其近事得之采訪者亦然以明非

紹宋所杜撰惟地選考中疆里山川兩篇食貨考中水利篇及氏族考均不逐條標明以省繁瑣非自亂其例也

萬歷壬子志在明代方志中猶不失爲善本說見前志惟不知考證往往有淺顯

故事而致誤者則明代方志之通病也康熙志譏其舛漏見余怡康志序然未嘗有所

考補而所續者亦多舛失今凡兩舊志所載有致誤或可疑者間加考訂非敢自

矜也志乘貴在核實不得不爾

康熙癸丑以前事實前志失載頗多茲檢考羣籍一一補入並標明失載以清眉

目惟寓中藏書不多失補者當尙不少他日讀書有得必別爲志補一編以彌其

闕其各族譜所載明代以前事實而前志未載者尤夥則未敢輕易采補必審其

可徵信者始錄之族譜多成於俗手且多緣飾不盡可信也

光緒間馮夢香先生所得采訪稿稱爲舊采訪今茲撰述取材較多至民國八年

汪綸圖君所采各稿當時蓋未及抉擇叢雜舛誤不一而足可用者較少今稱爲

續采訪其癸亥甲子兩歲所采者裨新采訪諸采訪萬十之八九錄自族譜其文
悉鄙俚不足道其得自傳聞或開具節畧送局者亦然佳作茲均加考訂重行撰
次事求翔實文亦期於雅馴至兩舊志原文有未安者亦間加潤飾兩舊志所載
有與浙江通志嘉靖衢州府志天啓府志康熙府志異同者如可考正則以考正
者爲主而注明其異文其無可考正者以多本相同者爲主不盡依兩舊志也
凡通行制度典章若文廟配享先賢祭禮樂章以及從前慶賀接詔履任救護迎
春鞭春行耕壇祭雩神送學賓興鄉飲等儀注乃至保甲編戶之屬方志每多載
入茲以事非專行於龍游且多廢罷一律削而不錄

修志原不以時代爲限斷今以改革後一切政制與前代迥殊而時會所趨變遷
尤未可量若強爲納入則枘鑿不通而全書體例乖矣

者有將教育局長縣署同用茲編至清宣統三年止其因革之際有足述
入職官表者殊覺不倫不

者畧言之至民國事實則別自爲編重定門類名曰續志以便他日重修依類增